

বাংলাদেশ ব্যাংক

প্রধান কার্যালয়

ঢাকা।

আর্থিক প্রতিষ্ঠান বিভাগ

এফআইডি সার্কুলার নং-০৩

তারিখ: ১৫/০৩/২০০৭ ইং

ব্যবস্থাপনা পরিচালক/প্রধান নির্বাহী

বাংলাদেশে কার্যরত সকল আর্থিক প্রতিষ্ঠান

প্রিয় মহোদয়,

ঋণ/লীজ অবলোপন (Write off) এর নীতিমালা।

আর্থিক প্রতিষ্ঠানসমূহের ঋণ/লীজ কার্যক্রম পরিচালনার সময় অনেক ক্ষেত্রে ঋণ/লীজের একটি অংশের গুণগত মান হ্রাস পায় এবং এগুলোর আদায়ে অনিশ্চয়তা দেখা দেয়। এসব ঋণ/লীজ পচলিত নিয়মে বিরূপ শ্রেণীবিন্যাসিত হয় এবং এর বিপরীতে পর্যাপ্ত প্রভিশন সংরক্ষণের প্রয়োজন হয়। এতে আর্থিক প্রতিষ্ঠানসমূহের স্থিতিপত্রের আকার অনাবশ্যক ও কৃত্রিমভাবে স্ফীত হয়। এসব ঋণ/লীজ অবলোপনের (Write off) বিষয়ে আর্থিক প্রতিষ্ঠানসমূহ কর্তৃক অনুসরণ করার জন্য নিম্নোক্ত নীতিমালা জারি করা হল:

১। মন্দ/ক্ষতি হিসেবে শ্রেণীকৃত হয়েছে এবং ১০০% প্রভিশন সংরক্ষিত আছে এরূপ ঋণ/লীজ অবলোপনের জন্য যোগ্য বলে বিবেচিত হবে।

২। অবলোপনের ক্ষেত্রে পরিচালনা পর্ষদের পূর্বানুমোদন নিতে হবে।

৩। অবলোপনকৃত ঋণ/লীজ আদায়ে সর্বাঙ্গিক প্রচেষ্টা অব্যাহত রাখতে হবে। অবলোপনের জন্য নির্বাচিত হিসাবসমূহের ক্ষেত্রে কোন কারণে পূর্বে আইনগত ব্যবস্থা গৃহীত না হয়ে একলে অবলোপনের পূর্বে অবশ্যই আদালতে মামলা দায়ের করতে হবে।

৪। অবলোপনকৃত ঋণ/লীজ সম্পর্কিত মামলা নিষ্পত্তি ত্বরান্বিত করা বা অবলোপনকৃত প্রাপ্য আদায়ের জন্য আর্থিক প্রতিষ্ঠান বহিষ্ঠূত প্রতিষ্ঠানকে নিয়োজিত করা যাবে।

৫। অবলোপনকৃত ঋণ/লীজ এর হিসাব একটি পৃথক লেজারে সংরক্ষণ করতে হবে এবং আর্থিক প্রতিষ্ঠানের বার্ষিক রিপোর্ট/স্থিতিপত্রে ক্রমপুঞ্জীভূত ও চলতি বছরে অবলোপনকৃত ঋণ/লীজ এর পরিমাণ পৃথকভাবে “notes to the accounts” এ লিপিবদ্ধ করতে হবে।

৬। ঋণ/লীজ অবলোপন করা হলেও সংশ্লিষ্ট ঋণ/লীজ গ্রহীতা য_নিয়মে খেলাপী ঋণ/লীজ গ্রহীতা হিসেবে চিহ্নিত হবেন। অন্যান্য ঋণ/লীজ এর অনুরূপ অবলোপনকৃত ঋণ/লীজও বাংলাদেশ ব্যাংকের ক্রেডিট ইনফরমেশন ব্যুরো (সিআইবি) তে রিপোর্ট করতে হবে।

৭। আর্থিক প্রতিষ্ঠানের পরিচালক বা তার স্বা_সংশ্লিষ্ট প্রতিষ্ঠানের নামে গৃহীত ঋণ/লীজ অবলোপনের ক্ষেত্রে বাংলাদেশ ব্যাংকের অনুমোদন গ্রহণ করতে হবে।

৮। প্রতি মাসে অবলোপনকৃত ঋণ/লীজ হিসাবের একটি বিবরণী পরবর্তী মাসের ১০ (দশ) তারিখের মধ্যে অত্র বিভাগে দাখিল করতে হবে।

এই নির্দেশ অবিলম্বে কার্যকর হবে।

অনুগ্রহপূর্বক প্রাপ্তি স্বীকার করবেন।

(মো: গোলাম মোস্তফা)

উপ-মহাব্যবস্থাপক

ফোন: ৭১২০৯৫৬